

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.2. Supremus hic gradus patientiæ Christianæ es S. Joanne Chrysostomo astruitur.

[urn:nbn:de:hbz:466:1-47123](#)

508 *Pars IV. Exercitationes ad patientiam*
tutis absolutionem complexus est, de aliorum nunc Sanctorum sententiâ stabilendam nobis, aut etiam exaggerandam.

§. 2.

Supremus hic gradus patientiae Christianæ ex S. Ioanne Chrysostomo astruitur.

Et merito sanè præclarus vitæ spiritualis Magister, hunc gradum censet esse perfectionis absolutissimam. Quod enim altius aspireret Iesu Christi crucifixi amator, quam si, ubi etiam, non modò salutis propriæ, sed divinæ quoq; gloria par sit occasio, aspera quæq; & insuavia præjucundis & suavibus adamet, in illis id unicè spectans, quod hæc ratione (ut ut reliqua se habeant) saltem dilecto suo, pauperi, despecto atque afficto, ipse pauper, despectus, afflictus, similior futurus sit? Tum præfertim hū ad junxerimus, usque ad assurgere posse, hujusmodi sese ad exemplum Christi conformandi desiderium, ut quæ dixi in eomoda & cruciatu, non solùm quibusvis hujus vitæ, quamlibet puris sanctis delicijs, sed ipsis etiam Paradisi gaudijs (nisi majoris Dulaudis ratio præpondereret) anteponantur. Hoc quippe non Christum quomodo cunq; amantis est, sed ejus qui in Dominum insaniat (ut loquentem video simili in re Chrysostomum) sive, qui insano & tanquam immodico ipsis amore uratur. Veruntamen ut eum Christianæ perfectionis gradum, neque supra fidem, neque extra usum esse, exemplis demonstremus: vide num in eo sancte in Dominum insanientium numero, censendus non sit ipse S. Chrysostomus; dum homiliā octavā in Epistolam ad Ephesios, ad illa verba: *Ego vinculus in Domino.* ita illa Pauli pro Christo vincula extollit ac deperit, ut Christi causâ vincatum esse, aut universè pro eo aliquid pati, ipso suo genere etiam Celo ipsi præoptandum putet? in quo etiam argumento tractando ita insistit, ita illud exornat exaggeratq; dicendo, ut

cum

cum omnia dixerit, tamen insanum suum in Christum amorem, ardēnsq; pro illo patiendi desiderium, nullis sibi verbis satris exprimere, neque quantilibet sacrorum illorum vinculorum commendatione animo suo satisfacere, videatur. Apponam hīc nonnulla ejus verba, ex quibus de reliquo sermone, déq; ipsius Sancti Doctoris sensu, conjectura fūni possit.

Primum igitur Chrysostomus, cum Pauli vineulorum dignitatem Consulatui & Regno antetulisset: *Si quis amat Christum (inquit) novit quod dicitur. Si quis in Dominum infans, & amore eius uritat, novit vim vinculorum. Maluerit esse vinculus propter Christum, quam habitare cœlos. Et paulo pōst: Etiā res nullam habeat mercedem, hoc solum est magna merces; & sufficiens remuneratio, hac gratia pati, propter eum qui amat. Tum de se ipso: Si quis mihi daret totum cœlum, aut illam catenam, ego illam preferrem. Si quie me apud superos collocares cum Angelis, aut cum Paulo vinculo, eligerem carcerem & vincula. Et rursus: Mibi optabilius est & magis eligendum, male pati pro Christo, quam honorari a Christo. Et iterum: Ad omnem mibi remunerationem sufficit male passum esse propter Christum. Det mibi ut illud eloquar: Adimpleo ea que desunt passionum Christi in carne mea; & nullius ego. Et subinde: Non propterea beata censeo esse vincula, quod transmittant in cœlum, sed quodde eas sint propter Dominum cœli. Tandem: Nam propter Christum aliquid esse passum, est quovis solatio jucundius. Hæc & multi plura S. Joannes Chrysostomus; ad cujus exundantem exuberantemq; adversus Christum crucifixum ardorem quid adjic̄ possit, & gr̄ equidem video.*

§. 3.

Idem sensus in S. Bonaventura, & alijs quibusdam ostenditur.

Audia-